

Broj: 05-02-80-44/2022-7
Sarajevo, 07.10.2022. godine

Na osnovu člana 70. st. (1) i (4), a u vezi sa članom 69. stav (2) tačka d) Zakona o javnim nabavkama („Službeni glasnik BiH”, br.: 39/14 i 59/22), a na prijedlog Komisije za javne nabavke, imenovane Rješenjem, broj: 05-30-81-R-15/2022 od 16.08.2022. godine, sekretar Vlade Federacije Bosne i Hercegovine, d o n o s i

ODLUKU
O PONIŠTENJU POSTUPKA JAVNE NABAVKE USLUGA – USLUGA EVALUACIJE
UČINKA MJERA VLADE FEDERACIJE BOSNE I HERCEGOVINE NA UBLAŽAVANJU
POSljedICA COVID-19 PANDEMIJE

I

Poništava se postupak javne nabavke: Otvoreni postupak za javnu nabavku usluga – usluga evaluacije učinka mjera Vlade Federacije Bosne i Hercegovine na ublažavanju posljedica COVID-19 pandemije, evidencijski broj nabavke: 05-02-80-44/2022-1 od 17.08.2022. godine, broj Obavještenja o nabavci sa Portala javnih nabavki: 854-1-2-82-3-14/22 od 17.08.2022. godine, Sažetak obavještenja o nabavci objavljen u „Službenom glasniku BiH – Oglasnik javne nabavke“, broj: 56/22, jer nijedna od primljenih ponuda nije prihvatljiva.

II

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine - Generalnog sekretarijata Vlade Federacije Bosne i Hercegovine, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak nabavke pokrenut je Odlukom o pokretanju postupka javne nabavke, broj: 05-02-80-44/2022 od 15.08.2022. godine. Javna nabavka provedena je putem otvorenog postupka. Ukupna procijenjena vrijednost nabavke iznosila je 128.200,00 KM bez PDV – a.

Obavijest o nabavci broj: 854-1-2-82-3-14/22 poslana je na objavu 17.08.2022. godine, te je istog dana objavljena na Portalu javnih nabavki. Sažetak obavještenja o nabavci objavljen je u „Službenom glasniku BiH – Oglasnik javne nabavke“, broj: 56/22.

Tendersku dokumentaciju preuzelo je 8 (osam) privrednih subjekata. U krajnjem roku za dostavu ponuda blagovremeno su dostavljene dvije ponude. Nije bilo neblagovremenih ponuda.

Ponude su dostavljene od strane sljedećih ponuđača: Grupa ponuđača: Naučnoistraživački institut Verlab za biomedicinski inženjering, medicinske uređaje i vještačku inteligenciju (ovlašteni predstavnik Grupe ponuđača) i Verifikacioni laboratorij VERLAB d.o.o. Sarajevo (član Grupe ponuđača) i Konzorcij: BDO BH d.o.o. Sarajevo (voditelj Konzorcija) i BDO CROATIA d.o.o. Zagreb.

Komisija za javne nabavke, imenovana Rješenjem, broj: 05-30-81-R-15/2022 od 16.08.2022. godine, izvršila je pregled i ocjenu pristiglih ponuda, te konstatovala da nijedna od primljenih ponuda nije prihvatljiva.

Ponuda ponuđača: Grupa ponuđača: Naučnoistraživački institut Verlab za biomedicinski inženjering, medicinske uređaje i vještačku inteligenciju (ovlašteni predstavnik Grupe ponuđača) i Verifikacioni laboratorij VERLAB d.o.o. Sarajevo (član Grupe ponuđača) odbačena je iz sljedećih razloga:

- U Tenderskoj dokumentaciji u tački 1.1. podtačka g. ponuđači su u pogledu tehničke i profesionalne sposobnosti trebali ispuniti sljedeće uvjete:
 - da imaju evaluacijski tim sastavljen od lokalnih i međunarodnih profesionalaca
 - da evaluacijski tim ima najmanje četiri (4) evaluatora sa licencom ovlaštenog revizora i preko 15 godina iskustva, od čega minimalno 1 posjeduje licencu ovlaštenog revizora u EU
 - da evaluacijski tim ima najmanje 4 evaluatora sa iskustvom u projektima slične kompleksnosti i predmeta nabavke, u vladama i vladinim institucijama/organizacijama
 - da je potpisnik izvještaja evaluator iz zemalja EU sa međunarodnom ekspertizom i iskustvom u vođenju sličnih projekata u vladinom sektoru
 - da najmanje (1) evaluator aktivno poznaje bosanski/hrvatski/srpski jezikPregledom Ponude konstatovano je da:
 - da evaluacijski tim ima samo 3 ovlaštena revizora sa licencom, niti jedan od 3 ovlaštena revizora nema preko 15 godina iskustva
 - nisu navedene relevantne reference članova tima kojim bi se dokazalo iskustvo u projektima slične kompleksnosti i predmeta nabavke, u vladama i vladinim institucijama/organizacijama
 - nisu navedeni projekti iz kojih bi se moglo potvrditi „iskustvo u vođenju sličnih projekata u vladinom sektoru“.
- U Tenderskoj dokumentaciji u poglavlju V OSTALE ODREDBE tačka 3. Nacrt ugovora ili osnovni elementi ugovora, propisano je da su ponuđači dužni uz ponudu dostaviti Nacrt ugovora u koji su unijeli podatke iz svoje ponude.....
Pregledom Ponude konstatovano je da u članu 1. i članu 3. Nacrta ugovora – Aneks 10 nisu uneseni podaci iz ponude.

Ponuda ponuđača: Konzorcij: BDO BH d.o.o. Sarajevo (voditelj Konzorcija) i BDO CROATIA d.o.o. Zagreb, odbačena je iz sljedećih razloga:

- U Tenderskoj dokumentaciji u tački 1.1. podtačka g. ponuđači su u pogledu tehničke i profesionalne sposobnosti trebali ispuniti sljedeće uvjete:
 - da imaju evaluacijski tim sastavljen od lokalnih i međunarodnih profesionalaca
 - da evaluacijski tim ima najmanje četiri (4) evaluatora sa licencom ovlaštenog revizora i preko 15 godina iskustva, od čega minimalno 1 posjeduje licencu ovlaštenog revizora u EU
 - da evaluacijski tim ima najmanje 4 evaluatora sa iskustvom u projektima slične kompleksnosti i predmeta nabavke, u vladama i vladinim institucijama/organizacijama

- da je potpisnik izvještaja evaluator iz zemalja EU sa međunarodnom ekspertizom i iskustvom u vođenju sličnih projekata u vladinom sektoru

- da najmanje (1) evaluator aktivno poznaje bosanski/hrvatski/srpski jezik

Pregledom Ponude konstatovano je da:

- da evaluacijski tim ima 5 ovlaštenih revizora sa licencom, ali samo 2 ovlaštena revizora sa licencom imaju preko 15 godina iskustva

- nisu navedene relevantne reference članova tima kojim bi se dokazalo iskustvo u projektima slične kompleksnosti i predmeta nabavke, u vladama i vladinim institucijama/organizacijama

- nisu navedeni projekti iz kojih bi se moglo potvrditi „iskustvo u vođenju sličnih projekata u vladinom sektoru“.

- U Tenderskoj dokumentaciji u poglavlju IV PODACI O PONUDI tačka 1. Sadržaj i način pripreme ponude, propisano je da se ponuda izrađuje na način da čini cjelinu i mora biti napisana neizbrisivom tintom.Svi listovi ponude moraju biti čvrsto uvezani na način da se onemogući naknadno vađenje ili umetanje listova. Pod čvrstim uvezom podrazumijeva se ponuda ukoričena u knjigu ili ponuda osigurana jamstvenikom.Kada je ponuda izrađena od više dijelova, stranice se označavaju na način da svaki sljedeći dio započinje rednim brojem kojim se nastavlja redni broj stranice kojim završava prethodni dio.Ako zbog obima ili drugih objektivnih razloga ponuda ne može biti izrađena da čini cjelinu, onda se izrađuje u dva ili više dijelova. U tom slučaju svaki dio se čvrsto uvezuje na način da se onemogući naknadno vađenje ili umetanje listova, a ponuđač mora u sadržaju ponude navesti od koliko dijelova se ponuda sastoji. Kada ponuda sadrži više dijelova, stranice ili listovi se označavaju na način da svaki sljedeći dio započinje rednim brojem kojim se nastavlja redni broj stranice ili lista kojim završava prethodni dio ponude. Također Pravilnikom o formi garancije za ozbiljnost ponude i izvršenje ugovora („Službeni glasnik BiH“, broj: 90/14), u članu 3. propisan je način dostavljanja garancije za ozbiljnost ponude, te je propisano da se garancija za ozbiljnost ponude dostavlja u originalu, u zatvorenoj plastičnoj foliji (koja se npr. na vrhu zatvori naljepnicom na kojoj je stavljen pečat ponuđača ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuđača) i uvezana u cjelinu čini sastavni dio ponude. Stavom (2) člana 3. propisano je da garancija ne smije biti ni na koji način oštećena (bušenjem i sl.) jer probušena ili oštećena garancija se ne može naplatiti, a stavom (3) člana 3. propisano je da ukoliko garancija za ozbiljnost ponude nije dostavljena na propisan način, shodno stavu (1) ovog člana, ugovorni organ je obavezan takvu ponudu odbaciti.

Pregledom Ponude konstatovano je da dostavljena Garancija za ozbiljnost ponude nije uvezana u cjelinu.

- U Tenderskoj dokumentaciji u poglavlju V OSTALE ODREDBE, tačka 5. Podugovaranje, propisano je da u slučaju da ponuđač u svojoj ponudi naznači da će dio ugovora dati podugovaraču, mora se izjasniti koji dio (opisno ili procentualno) će dati podugovaraču. U ponudi ne mora identifikovati podugovarača, ali mora se izjasniti da li će biti direktno plaćanje podugovaraču.....

Pregledom ponude konstatovano je da je Ponuđač naveo da će 30% ukupne cijene prihvaćene ponude dati podugovaraču, ali nedostaje izjašnjenje da li će biti direktno plaćanje podugovaraču.

Nakon izvršenog pregleda i ocjene ponuda, Komisija je dostavila sekretaru Vlade Federacije Bosne i Hercegovine Zapisnik o pregledu i ocjeni ponuda, broj: 05-02-80-44/2022-6 od 05.10.2022. godine zajedno sa Preporukom za donošenje odluke o poništenju postupka za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispijelih ponuda, shodno kriterijima iz Tenderske dokumentacije.

S obzirom da nijedna primljena ponuda nije prihvatljiva ispunjeni su uvjeti za poništenje predmetnog postupka nabavke, u skladu sa članom 69. stav (2) tačka d) Zakona.

Uzimajući u obzir naprijed navedeno, a shodno članu 69. stav (2) tačka d) Zakona o javnim nabavkama, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke svaki od ponuđača koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem Ugovornog organa – Generalnog sekretarijata Vlade Federacije Bosne i Hercegovine u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke.



SEKRETAR VLADE
[Signature]
mr.sc. Edita Kalajdžić

Dostaviti:

1. Svim ponuđačima u postupku
2. Sektoru za pravne i opće poslove
3. Sektoru za materijalno-finansijske poslove
4. Komisiji za javne nabavke
5. a/a